

**Служба о́бщая**  
**му́ченику Росси́йскому ХХ ве́ка**  
**еди́ному**

ВЕЧЕ́Р

На Го́споди, воззва́х: стихи́ры, глас 2.

Подобен: Ки́ими похва́льными венцы́ :

Ки́ими похва́льными венцы́ / увязе́м страда́льца Христо́ва  
и мярек,/ Це́ркве Росси́йския ве́рнаго сы́на?/ И́же  
устраше́ний безбо́жных не убоя́вся,/ на беззакóнное суди́ще  
взыде/ и, я́ко дре́вний му́ченик, оуби́йцех моля́шеся,  
вопяя́ :// Го́споди, прости́ им, не ве́дят бо, что творя́т.

Ки́ими досто́йными пе́снями/ воспое́м новому́ченика  
Христо́ва и мярек?/ И́же, за́поведи Госпо́дни испо́лнив,/ и  
узы́ темни́чныя, труды́ го́рькия и изгна́ния претерпе́ / и  
да́же до сме́рти Христу́ ве́рным пребы́сть./ Ны́ не же  
мо́лится дарова́ти нам// мир и ве́лию ми́лость.

Ки́ими пе́сенными добро́тами/ просла́вим но́ваго  
му́ченика Росси́йскаго и мярек?/ И́же, во страда́нии  
кре́пость яви́в,/ си́лою Христо́вою безбо́жныя одоле́ / и  
сме́ртию свое́ю воскресе́ние Христо́во пропове́да./ Ны́ не же  
у престо́ла Бо́жия с ли́ки новому́ченик предстои́т// и  
мо́лится спасти́ся душа́м на́шим.

Слава, глас 8:

А́ще и уби́ша те́ло твоё́ многострада́льное, му́чениче  
и мярек,/ и кро́вь твою́ непови́нную пролия́ша нечести́ви,  
оба́че душа́ твоя́, я́ко пти́ца, изба́вися от се́ти ловя́щих./  
Сего́ради, свя́те, обре́л еси́ поко́й в черто́зех Небе́сных,/ и  
иде́же прославля́еши Отца́, и Сы́на, и Свята́го Ду́ха,//  
Тро́ицу Еди́носу́щную и Неразде́льную.

И ны́не, Богоро́дичен: Ца́рь Небе́сный:

Вход. Проки́мен дне. И́чтє́ния 3 му́ченическая.

На стихо́вне стихи́ры, глас 4.

Подобен: Я́ко до́бля:

Я́ко благи́й раб и ве́рный,/ собира́я сокро́вище не  
ги́блющее,/ но в живо́т ве́чный пребыва́ющее,/ тала́нт,  
вруче́нный ти Го́сподем,/ муче́нием преумно́жил еси́,/ и  
страда́льче сла́вный и мярек,/ и в ра́дость Го́спода твоего́  
вшел еси́./ Те́мже моли́ усе́рдно// спасти́ся душа́м на́шим.

Стих: Пра́ведник, я́ко фи́никс, процвете́т, // я́ко кедр, и́же в  
Лива́не, умно́жится.

В но́щи безбо́жных гоне́ний/ на Це́рковь Ру́сскую/ прии́де  
испыта́ти ду́шу твою́ Госпо́дь/ и блаже́ннаго тя раба́ /  
бдя́ща вои́стинну обре́те,/ всече́стне му́чениче и мярек./ И  
ктому́ нарече́ тя дру́га и скренняго,/ и сонасле́дника  
Ца́рствия Небе́снаго, // и моли́твенника те́пла о душа́х  
на́ших.

Стих: Наса́жде́ни в дому́ Госпо́дни, // во дво́рех Бо́га на́шего  
процвету́т.

Исполня́ются на му́ченицех словеса́ Христо́ва: / несть раб  
бо́лий Го́спода своего́, / Мене́ изгна́ша и вас иждену́т. / Ты  
у́бо, му́чениче до́брий и мярек, / любо́вь соверше́нну  
стяжа́в, / ду́шту твою́ за Христа́ положи́л еси́ / и блаже́нство  
изгна́нных пра́вды ра́ди дости́гл еси́. / Те́мже, ны́не  
Престо́лу Бо́жию предсто́я, // моли́ спасти́ся душа́м на́шим.  
Сла́ва, глас 5:

Прииди́те, мучениколю́бцы вси, / благоче́стно воспои́м  
Христо́ва страстоте́рпца сла́внаго и мярек, / тече́ние до́бре  
соверши́вша / и ве́ру правосла́вную сохра́нъша. / Сей бо,  
безбо́жных ко́зни сокруши́в / и кро́вию свое́ю зе́млю  
Ру́сскую освяти́в, / от ми́ра сего́ вре́меннаго преста́вися к  
ве́чному / и от Вседержи́тельных десни́цы прия́т вене́ц  
пра́вды. / Те́мже сла́дости ра́йскаго блаже́нства  
наслажда́ется / и Престо́лу Бо́жию предстои́т, // прославля́я  
Тро́ицу Единосущную и Неразде́льную.

И ны́не, Богоро́дичен: Храм и Дверь еси́ :

Тропа́рь, глас 4:

Му́ченик Твой, Го́споди, и мярек, / во страда́нии свое́м вене́ц  
прия́т негле́нный от Тебе́, Бо́га на́шего, / име́й бо кре́пость  
Твою́, / мучи́телей низложи́, / сокруши́ и де́монов немощны́я  
де́рзости. / Того́ моли́твами // спаси́ ду́ши на́ша.

НА У́ТРЕНИ

По 1-м стихосло́вию седа́лен, глас 4:

Непоколеби́мь во испове́дании ве́ры пребы́л еси́,  
страда́льче и мярек, / егда́ мучи́телие понужда́ху тя  
отрещи́ся Христа́. / Те́мже смерть Того́ ра́ди му́жественне  
претерпе́л еси́ / и моли́твенник те́плый о душа́х на́ших  
яви́лся еси́.

Сла́ва, и ны́не, Богоро́дичен:

О Всепе́тая Богоро́дице Влады́чице, / му́чеников испове́дание  
и ве́нче, / А́нгелы сла́вимая и челове́ки воспева́емая, / и  
всего́ ми́ра возжеле́нная Помо́щнице, / изба́ви Це́рковь  
Ру́сскую вся́каго обстоя́ния, Еди́на Благослове́нная.

По 2-м стихосло́вию седа́лен, глас 4:

Страда́ния лю́тая до́блественне претерпева́я, му́чениче  
и мярек, / ева́нгельския за́поведи соблю́л еси́ / и, я́ко  
до́брый и ве́рный раб, в ра́дость Го́спода твоего́ вшел еси́, /  
И́же воздаде́ ти по пра́вде твое́й / и яви́лю дем росси́йским  
способо́рника небори́ма.

Сла́ва, и ны́не, Богоро́дичен:

Стена́ небори́мая ве́рным и му́чеником похвала́ Ты еси́,  
Богоро́дице Де́во, / к Тебе́ бо прибега́юще, невреди́ми  
пребыва́ем и усе́рдную Моли́твенницу и ма́мы. / Тем,  
благодаря́ще, вопие́м Ти: / ра́дуйся, Благода́тная, Госпо́дь с  
Тобо́ю.

Велича́ние:

Велича́ ем тя, / страстоте́ рпче́ святы́ й и́ мярек, / и чтим честна́ я  
страда́ ния твоя́ , / я́ же за Христа́ // претерпе́ л еси́ .

Псалом избра́ нный:

1-й лик: Бог нам Прибе́ жище и Си́ ла, Помо́ щник в ско́ рбех,  
обре́ тших ны зело́ .

2-й лик: Мене́́ жда́ ша гре́ шницы погуби́ ти мя, свиде́ ния  
Твоя́́ разуме́ х.

1-й лик: Глаго́ лах о свиде́ ниих Твои́́ х пред ца́ ри́ и не  
стыдя́ хся.

2-й лик: Все́ язы́ цы обыдо́ ша мя, и и́ менем Госпо́ дним  
противля́ хся им.

1-й лик: Аз на ра́ ны гото́ в: и бых я́́ звен весь день.

2-й лик: Тебе́́ ра́ ди умерщвля́ емся: вмени́ хомся я́́ ко о́ вцы  
заколе́ ния.

1-й лик: Госпо́ дь утвержде́ ние мое́́ : и Изба́ витель мой: и  
упова́ ю на Него́́ .

2-й лик: Кре́ пость моя́́ и пе́ ние мое́́ Госпо́ дь, и бысть мне во  
спасе́ ние.

1-й лик: Ты, Го́ споди, сохрани́ ши ны и соблюде́ ши ны от ро́ да  
сего́́ и во век.

2-й лик: Искуси́ л ны еси́́ , Бо́ же, разже́ гл ны еси́́ , я́́ коже  
разжиза́ ется сребро́́ .

По полиеле́ и седа́ лен, глас 4:

Ско́ рби, сле́ зы и страда́ ния за Христа́́ от безбо́ жных бра́ тий  
претерпе́ в на земли́́ , му́ чениче́ и мярек, / ны́ не жи́ зни  
ве́ чныя ра́ достне у Престо́ ла Бо́ жия наслажда́ еши́ ся / и  
мо́ лиши́ ся непреста́ нно о душа́́ х на́ ших.

Сла́ ва, и ны́ не, Богоро́ дичен:

Непоколеби́ мое утвержде́ ние ве́ ры / и при́ сное прибе́ жище  
душ на́ ших, / Богоро́ дицу пе́ сньми велича́ ем, ве́ рнии: /  
ра́ дуйся, Правосла́ вия огражде́ ние, / ра́ дуйся, земли́́ Ру́ сския  
покро́ ве, / ра́ дуйся, Неве́ сто не́ не́ ве́ стная.

Степе́ нна, 1-й антифо́ н 4-го гла́ са. Проки́ мен, глас 4:

Го́ споди, Тебе́́ ра́ ди // умерщвля́ еми есмь́́ весь день. Стих:

Вмени́ хомся я́́ ко о́ вцы заколе́ ния. Вся́́ кое дыха́ ние:

Ева́ нгелие от Луки́́ , зача́ ло 63 (12, 2–7).

По 50-м псалме́ стихи́ ра, глас 6:

К Бо́ гу Вы́ шнему Живо́ му / воззва́ л еси́́ , му́ чениче́  
добропобе́ дне́ и мярек: / поми́ луй мя, Го́ споди, / я́́ ко врази́  
нечести́ вии попира́ ют мя. / Той же изба́ ви ду́ шу твою́́ от  
сме́ рти, / о́ чи от слез и но́ зе от поползнове́ ния, / и со святы́ ми  
земли́́ Ру́ сския // во све́ те живы́ х просла́ ви тя.

Кано́ н, глас 5:

Песнь 1

Ирмо́ с: Коня́́ и вса́ дника в мо́ ре Чермно́ е, / сокруша́ яй  
бра́ ни, мы́ шцею высо́ кою / Христо́ с истрясе́́ , / Изра́ иля же  
спасе́́ , // побе́ дную песнь пою́ ща.

Кро́вными муче́нии вшел еси́ в Небе́сная селе́ния, и мярек  
сла́вне,/ я́коже дре́вле Изра́иль в зе́млю обетова́нную,  
фа́раоном гони́мь./ Ны́не же, Престо́лу Святы́я Трои́цы  
предсто́я,/ моли́ о́чтущих святу́ю па́мять твою́.  
Ру́сская Це́ркве сы́не ве́рный и мярек, и страда́льче  
изря́дний,/ ты́ скво́зе о́гнь и во́ду муче́ний побе́дно проше́л  
еси́./ Те́мже и Госпо́дь Мучениколю́бец уго́ва ти поко́й  
ве́чный.

Егда́ прии́де на зе́млю Ру́сскую годи́на безбо́жия,/  
кре́пость во испове́дании ве́ры и кро́тость во страда́нии  
яви́л еси́, до́блий му́чениче,/ моля́ся о́убива́ющих тя.  
Богоро́дичен: Разреши́ся кля́тва, печа́ль преста́,/  
Благослове́нная бо и Благода́тная Богоро́дица ве́рным  
Ра́дость поро́ди,/ Христа́, Спасе́ние ми́ра.

### Песнь 3

Ирмо́с: Водрузи́вый на ничесо́мже зе́млю повеле́нием  
Твои́м,/ и пове́сивый неоде́ржи́мо тяготе́ющую,/ на  
недви́жимем, Христе́, ка́мени за́поведей Твои́х,/ Це́рковь  
Твою́ утверди́, // еди́не Бла́же и Человеколю́бче.  
Пра́ведных ду́ши в руце́ Бо́жией и не прико́снется их му́ка,/  
се́ю наде́жду укрепля́емь, и мярек крепкоду́шне,/ теле́сная  
страда́ния му́жественне терпе́л еси́.

Оде́ явса́си ло́ю кре́стною,/ противоста́л еси́, и мярек,  
пролива́ющим кро́вь непови́нную/ и не убоя́лся еси́ и́стину  
возвеща́ти враго́м Це́ркве Христо́вы.

Смяте́ся земля́ Ру́сская, поне́же беззако́нию предаде́ся,/ ты́  
же, му́чениче и мярек пресла́вне,/ зако́н Бо́жий  
небо́я́зненно исполня́я,/ непоколеби́мь Ца́рствия ра́ди  
Бо́жия яви́лся еси́.

Богоро́дичен: Ты, Ма́ти Бо́жия, неизрече́нно роди́ла еси́  
Сы́на,/ от Отца́ пре́жде век рожде́нна./ Те́мже Ты  
Богоро́дицу правосла́вно велича́ем.

### Седа́лен, глас 3:

Глад, гоне́ния ве́лия, лише́ния разли́чная,/ ско́рби мно́гия,  
тесноту́ и во у́зах го́рькия рабо́ты/ му́жественне претерпе́л  
еси́ от ненави́дящих Го́спода, страда́льче и мярек,/ и  
ничто́же возмо́же разлучи́ти тя от любви́ Христо́вы,/ Его́же  
ра́ди и смерть му́ченическую прия́л еси́./ Мы́же ты, я́ко  
те́плаго предста́теля к Нему́́стяжа́вше,/ досто́до́лжно  
прославля́ем.

Сла́ва, и ны́не, Богоро́дичен:

Ки́йждо иде́же спаса́ется, та́мо пра́ведно и притека́ет:/ и  
ко́е ино́е прибе́жище, я́ко Ты, Богоро́дице,/ оте́чества  
на́шего Усе́рдная Засту́пница?

### Песнь 4

Ирмо́с: Боже́ственное Твое́ разуме́ние/ прозорли́во  
А́вваку́м, Христе́, со тре́петом вопия́ше Тебе́:/ во спасе́ние  
люде́й Твои́х// спасти́ по́ма за́нныя Твоя́ прише́л еси́.

Егда́ смяте́ ся земля́ Ру́сская, / ты, страда́ льче и́ мярек, я́ ко  
добр во́ ин Христо́ в, / терпе́ нием поте́ кл еси́ на предлежа́ щий  
по́ двиг / и, багряни́ цю крове́ й оде́ явся, / му́ ченически  
пострада́ л еси́ .

Поне́ же в ма́ лом ве́ рен раб яви́ лся еси́ , сла́ вне, / Госпо́ дь  
вя́ щий дар ти вручи́ , / е́ же испове́ дати пред мучи́ тели Бо́ га  
и́ стиннаго, / Его́ же ра́ ди и пострада́ л еси́ .

Попуще́ нием Бо́ жиим бысть гоне́ ние на Це́ рковь Бо́ жию в  
стране́ Росси́ йстей, / ты же, му́ чениче, я́ ко до́ блий во́ ин  
Христо́ в, / непоколеби́ мь в за́ поведех Госпо́ дних пребы́ л еси́ .  
Богоро́ дичен: Зачала́ еси́ нетле́ нно во́ чре́ ве, Пречи́ стая, / и  
без боле́ зни Бо́ га пло́ тию родила́ еси́ , / и по рождестве́ Де́ ва  
пребыла́ еси́ .

#### Песнь 5

Ирмо́ с: Оде́ я́ ся све́ том, я́ ко ри́ зую, / к Тебе́ у́ тренюю / и  
Тебе́ зову́ : / ду́ шу мою́ просвети́ омраче́ нную, Христо́ , //  
я́ ко еди́ н Благоутро́ бен.

Я́ ко сын дне, на Не́ бо душе́ ю твоё ю возше́ л еси́ , страда́ льче  
и́ мярек, / и зе́ млю Ру́сскую кро́ вию твоё ю ороси́ л еси́ . /  
Сего́ ра́ ди Не́ бо и земля́ ны не тя совоку́ пно велича́ ют.

Ни гоне́ ние лю́ тое, ни у́ зы темни́ чныя, / ни рабо́ ты го́ рькия,  
ни скорбь, ни теснота́ / возмого́ ша тя отлучи́ ти от любви́  
Бо́ жия, му́ чениче, / оба́ че, Христо́ м укрепля́ емь, вся  
препобеди́ л еси́ .

Ве́ рен быв Це́ ркви Бо́ жией, / и в чистоте́ соблюда́ я еди́ нство  
ея́ , / чужда́ лся еси́ разделе́ ний, блаже́ нне, / и при́ сно  
моли́ лся еси́ о первоиера́ рсе Росси́ йстем.

Богоро́ дичен: Покро́ в, заступле́ ние и утеше́ ние в напа́ стех и  
злых обстоя́ ниях Ты еси́ , Богоро́ дице. / Сего́ ра́ ди  
благода́ рственно Тя велича́ ем.

#### Песнь 6

Ирмо́ с: Неистовству́ ющееся бу́ рею душетле́ нною, / Влады́ ко  
Христо́ , страсте́ й мо́ ре укроти́ , / и от тли возведи́ мя, // я́ ко  
Благоутро́ бен.

Егда́ бу́ ря гоне́ ний одержа́ ше ко́ рабль Це́ ркве Ру́сския, / ты,  
му́ чениче, не боя́ зненне и неисхо́ дне в нем пребы́ л еси́ , /  
име́ я Ко́ рмчаго Сама́ го Христа́ .

Егда́ лю́ дие безбо́ жнии воста́ ша на Це́ рковь Ру́сскую, / ты,  
терпеливоду́ шне, не убо́ явся лише́ ний, / ве́ рен да́ же до  
сме́ рти Христу́ пребы́ л еси́ .

Егда́ оклевета́ н бысть бли́ жними твои́ ми, свя́ те, / в се́ рдце  
зла ника́ коже на о́ ния име́ я, моли́ лся еси́ : / Го́ споди, не  
вмени́ им греха́ сего́ .

Богоро́ дичен: Де́ ва Пречи́ стая, Христа́ Младе́ нца ро́ ждши, /  
во Еги́ пте изгна́ ние И́ родово претерпе́ : / те́ мже, страда́ ния  
испыта́ вши, / мо́ жет и нам, бе́ дствующим, помощи́ .

Конда́ к, глас 5:

Ве́рный сын земли́ Ру́сская яви́лся еси́, / новому́ чени́че  
и мяре́к, / Христа́, Со́лице Пра́вды, возвеща́я / и безбо́жия  
тьму отгона́я. / Ны́не же, сро́дники твоя́ в Правосла́вней  
ве́ре утвержда́я, // моли́ся о душа́х на́ших.

И́кос:

Что́ ты наре́че м, до́блий му́чени́че и мяре́к? / Изгна́нника,  
я́ко до́ма и сро́дников лиши́лся еси́? / У́зника, я́ко  
темни́чныя у́зы претерпе́л еси́? / Дру́га Бо́жия, я́ко  
бли́жним во страда́ниях помога́л еси́? / Испове́дника, я́ко  
ве́ру тве́рдую яви́л еси́? / Страда́льца, я́ко му́ки испыта́л  
еси́? / Ны́не же, престо́лу Бо́жию предстоя́, / сро́дники твоя́  
в Правосла́вней ве́ре утвержда́й / и моли́ся о душа́х на́ших.

Песнь 7

Ирмо́с: Превозноси́мый отце́ в Госпо́дь, / пла́мень угаси́,  
о́троки ороси́, / согла́сно пою́щая: // Бо́же, благослове́н еси́.  
Егда́ земля́ Ру́сская поколеба́ся грех ра́ди на́ших, / яви́л  
еси́ тве́рдое испове́дание ве́ры, и мяре́к премудре́,  
безбо́жия пла́мень угаша́я.

О́бщаго безу́мия и умо́в шата́ния чужд яви́лся еси́,  
му́чени́че и мяре́к, / оба́че любо́вию ко Христу́ распала́емь,  
твои́м страда́нием обличи́л еси́ безбо́жие.

Зло́бу и руга́тельства мучи́телей претерпева́я, и мяре́к,  
утверди́л еси́ стопы́ твоя́, я́ко на ка́мени, / име́я в се́рдце  
глаго́л Христо́в: / бу́ди ве́рен до сме́рти, и дам ти вене́ц  
живота́.

Богоро́дичен: Еди́ну у́бо Ипоста́сь во двою́ естеству́,  
Богома́ти, родила́ еси́, Бо́га и Челове́ка. / Те́мже, ве́рнии, с  
любо́вию возопи́ем: / благослове́на Ты в жена́х еси́,  
Всенепо́рочная Влады́чице.

Песнь 8

Ирмо́с: Тебе́, Вседе́телю, / в печи́ о́троцы всеми́рный лик  
спле́тше, поя́ху: / дела́вся кая, Го́спода по́йте, // и  
превозноси́те во вся ве́ки.

Его́же о́троцы в печи́ воспе́ша, / Той и ты, страда́льче, в  
пла́мени гоне́ний сохрани́, / взыва́юща: / благослове́н еси́,  
Бо́же оте́ц на́ших.

Слага́я в се́рдце твое́м глаго́л Христо́в, / е́же не боя́тися  
убива́ющих те́ло, души́ же не могу́щих уби́ти, / му́жественне  
на по́двиг страда́ния поте́кл еси́, свя́те, взыва́я: /  
благослове́н еси́, Бо́же оте́ц на́ших.

А́ще и преда́шася поруга́нию и оскверне́нию святы́ни земли́  
Ру́сская, / оба́че не изнемо́гл еси́ ду́шею / и тверд в ве́ре  
пребы́л еси́, и мяре́к, / взыва́я: / благослове́н еси́, Бо́же оте́ц  
на́ших.

Богоро́дичен: Зря́щи Сы́на Твоего́, Пречи́стая, в земли́  
на́шей поруга́ема безбо́жники, / Це́рковь Ру́сскую не  
оста́вила еси́ хода́ тайством Твои́м, досто́йно взыва́ющу: /  
ра́дуйся, Благода́тная, Госпо́дь с Тобо́ю.

## Песнь 9

Ирмо́с: Иса́ ие, лику́ й, / Де́ ва име́ во вре́ ве, / и роди́ Сы́ на  
Емману́ ила, / Бо́ га же и Чело́ ве ка, / Восто́ к И́ мя Ему́ ://  
Его́ же велича́ юще, Де́ ву ублажа́ ем.

Сла́ ву еди́ ному Бо́ гу возда́ л еси́ , / И́ же сла́ вящия́ Его́  
прославля́ ет, / те́ мже ро́ ди ру́ ссии́ тя ублажа́ ют, / му́ чениче  
и мярек приснопа́ мятне.

Страда́ ния твоя́ и смерть му́ ченическая, блаже́ нне, /  
свиде́ тельствоваху́ любо́ вь твою́ ко Христу́ , Сы́ ну Бо́ жию. /  
Те́ мже, ны́ не жи́ зни ве́ чныя наслажда́ яся, / моли́ ся о нас,  
любо́ вию́ тя прославля́ ющих.

Побе́ дным венце́ м увенча́ тя Христо́ с Бог, / Его́ же возлюби́ л  
еси́ и Его́ же ра́ ди кровь твою́ пролия́ л еси́ . / Ему́ же ны́ не  
приле́ жно моли́ ся, / Правосла́ вию в земли́ на́ шей  
утверди́ тися / и душа́ м на́ шим спасе́ ние улучи́ ти.

Ору́ жием благоволе́ ния венча́ тя Госпо́ дь, му́ чениче  
всече́ стне и мярек, / и даде́ тебе́ си́ лу на безбо́ жныя  
гони́ тели. / Те́ мже и ны́ не, я́ ко добр во́ ин, / спобо́ рствуй  
Це́ ркви Ру́ сстей на враги́ мно́ гия.

Богоро́ дичен: О Цари́ це Многопе́ тая! / О Влады́ чице  
Держа́ вная! / Не оста́ ви нас ми́ лостию́ Твое́ ю, / с  
новому́ ченики Росси́ йскими́ Тя велича́ ющих.

Свети́ лен:

Тьмы́ безбо́ жия отврати́ вся, / страда́ ния за Христа́ претерпе́ л  
еси́ , достохва́ льне и мярек, / ны́ не же во све́ тлостех святы́ х с  
новому́ ченики ликовству́ я, / моли́ спасти́ и просвети́ ти ча́ да  
Це́ ркви Ру́ сския.

Сла́ ва, и ны́ не, Богоро́ дичен:

Отжени́ тьму́ грехо́ вную душ на́ ших / и к све́ ту за́ поведей  
Христо́ вых напра́ ви, Путево́ дительнице́ и́ стинная, / да,  
покая́ нием очи́ стившися, гла́ сы благода́ рственными́ Тя  
велича́ ем.

На хвали́ тех стихи́ ры, глас 5.

Подо́ бен: Ра́ дуйся:

Ра́ дуйся, новому́ чениче прехва́ льне, и́ мярек, / и́ стинный  
сы́ не Святы́ я Це́ ркви, / во всеору́ жие Христо́ во обличе́ нный /  
и ве́ ры ра́ ди до кро́ ве подви́ за вы́ йся. / Ты, гони́ тели  
благословля́ я, глаго́ лал еси́ : / а́ ще и те́ ло мое́ убие́ те, /  
ду́ шу же не возмо́ жете́ разлучи́ ти от любве́ Бо́ жия, / я́ же о  
Христе́ Иису́ се. // Его́ же моли́ спасти́ и просвети́ ти ду́ ши  
на́ ша.

Ра́ дуйся, страда́ льче изря́ дный и́ мярек, / и́ стинный Христо́ в  
подо́ бниче, / Крест Госпо́ день на ра́ мо прие́ мый, / и в годи́ ну  
гоне́ ний лю́ тых на Це́ рковь Ру́ сскую́ пострада́ вый. / Ты бо,  
поноше́ ний не убоя́ вся, / лише́ ния, у́ зы и рабо́ ты го́ рькия  
ни́ во что́ же вмени́ л еси́ / и смерть, я́ ко приобре́ тение жи́ зни  
ве́ чныя со Христо́ м, / досто́ йно и ра́ достно сре́ тил еси́ . //  
Его́ же моли́ спасти́ и просвети́ ти ду́ ши на́ ша.

Ра́ дуйся, му́чениче достохва́льне и́ мярек,/ крове́ми  
страда́льческими обагре́нный,/ при́сный о нас предста́телю/ и  
те́плый к Бо́гу моли́твенниче./ Ты, ны́не престо́лу Бо́жию  
предсто́яй,/ сли́ки новому́ченик и испове́дник Росси́йских/ о  
земне́м Оте́честве твоём хода́тайствуеши/ и Христу́ песнь  
благода́рственную прино́сиши.// Его́ же моли́ спасти́ и  
просвети́ти ду́ши на́ша.

Сла́ва, глас 8:

Сла́вою и че́стию нетле́нною/ венча́ Госпо́дь  
многострада́льную твою́ главу́,/ я́ко посреде́ безбо́жных  
гоне́ний лю́тых/ дал еси́ сла́ву хвале́ Его́,/ му́чениче  
добропобе́дне и мярек.// Це́ркве Ру́сския удобре́ние.

И ны́не, Богоро́дичен, глас то́йже.

Подо́бен: О, пресла́внаго чудесе́:

Сра́дуются с на́ми у́мная вся Чи́нонача́лия,/ лик духо́вный  
совоку́плше,/ ви́дяще Цари́цу и Влады́чицу всех,/  
многиме́нне ве́рными сла́виму,/ ра́дуются же и ду́си  
пра́ведных,/ су́щии зри́телие виде́ния,/ на возду́се Свои́  
ру́це моле́бно простира́ющу,/ прося́щу умире́ния миру// и  
спаса́ния ду́шам на́шим.

Славосло́вие вели́кое и отпу́ст.

НА ЛИТУРГИИ

Блаже́нна от кано́на, пе́снь 3-я и 6-я.

Проки́мен, глас 4: А́ще пойду́ посреде́ се́ни сме́ртныя, не  
убою́ся зла, // я́ко Ты со мно́ю еси́. Стих: Госпо́дь пасе́т мя и  
ниче́го же мя лиши́т.

Апо́стол к Тимофе́ю, зача́ло 292 (2 Тим. 2, 1–10).

Аллилу́ия, глас 6: Живы́й в по́мощи Вы́шняго, в кро́ве Бо́га  
Небе́снаго водвори́тся. Стих: Рече́т Го́сподеви: Засту́пник  
мой еси́ и Прибе́жище мое́, Бог мой и упова́ю на Него́.

Ева́нгелие от Иоа́нна, зача́ло 52 (Ин. 15, 17–27).

Прича́стен: В па́мять ве́чную бу́дет пра́ведник:

Моли́тва

О пресла́вный и добропобе́дный му́чениче Христо́в и́ мярек,  
и́стинный во́ине святы́я Це́ркве, сро́дником твои́м земны́м  
похвало́ и украше́ние! Ты, не убо́явся безбо́жнаго гоне́ния,  
ве́ру Правосла́вную да́же до кро́ве испове́дал еси́,  
страда́нии же твои́ми о́браз ве́рным пода́я, врата́ ми  
пра́вды в Ца́рство Небе́сное вше́л еси́. Те́мже мо́лим тя,  
я́коже не́когда моли́ твою́ твоёю́ ко Го́споду си́лу  
претерпе́ти страда́ния стяжа́л еси́, та́ко и ны́не моли́ся, да  
пода́ст нам Госпо́дь си́лу за́поведи Его́ живоотво́рныя  
соблюда́ти, и да изба́вит нас от уз греха́ и безбо́жия,  
Оте́чество же на́ше да сохрани́т в Правосла́вии до сконча́ния  
ве́ка. Ами́нь.





**Служба общая мученику Российскому XX века единому  
составлена Синодальной Богослужебной комиссией и  
утверждена Святейшим Патриархом Московским и всея  
Руси Алексием II и Священным Синодом 26 декабря 2006  
года.**